



Istinomjer Zastone <istinomjer@zastone.ba>

Odogovr na upit o Amber Alert sistemu

1 message

FUP - Kabinet direktora <kabinet@fup.gov.ba>
To: "istinomjer@zastone.ba" <istinomjer@zastone.ba>

Wed, Dec 24, 2025 at 1:52 PM

VEZA: Vaš e-mail upit od 15.12.2025. godine

U vezi vašeg upita od 15.12.2025.godine informišemo vas Federalna uprava policije (FUP), postupajući po zaključku Predstavničkog doma Parlamenta Federacije BiH provodi aktivnosti na uspostavi sistema za hitno obavješćavanje javnosti o nestanku maloljetnih osoba – „ChildAlert BH“, zasnovanog na međunarodno priznatim standardima modela „AMBER Alert“.

Riječ je o specijalizovanom mehanizmu javnog uzbunjivanja koji se aktivira u slučajevima kada postoji osnovana sumnja da su život, sigurnost ili zdravlje nestalog djeteta ugroženi, a omogućava brzo i masovno informisanje javnosti putem medija, telekom operatera i digitalnih platformi.

U saradnji sa kantonalnim ministarstvima unutrašnjih poslova usaglašen je i pripremljen za potpisivanje

Protokol o saradnji u postupanju policijskih službenika u slučaju prijave nestanka djeteta, kojim se definišu kriteriji za aktiviranje sistema, obaveze policijskih agencija u Federaciji BiH te uloga Centra za sigurni internet BiH.

Tokom novembra i decembra 2025. godine održani su koordinacioni i radni sastanci sa nadležnim institucijama, uključujući Finansijsko-informatičku agenciju FBiH, Regulatornu agenciju za komunikacije BiH i telekom operatere. Dogovoreni su osnovni tehnički i operativni koraci, uključujući izradu testne web aplikacije i uspostavu sigurnih komunikacijskih kanala.

Federalna uprava policije je već izvršila rezervaciju internet domene childalertbh.ba, čime su osigurani osnovni tehnički preduslovi za uspostavu centralne platforme sistema, te nastavlja aktivnosti na uspostavi ovog sistema u punoj koordinaciji sa svim nadležnim institucijama, s ciljem jačanja zaštite djece i efikasnog reagovanja u slučajevima njihovog nestanka.

U narednom periodu Vladi Federacije BiH bit će predloženo formiranje međuresorne radne grupe, kao i osiguranje institucionalne, tehničke i finansijske održivosti sistema „ChildAlert BH“.

S poštovanjem,

FEDERALNA UPRAVA POLICIJE